

АМИТ ЛОХИА: “ФАРФОНАГА ИНВЕСТИЦИЯ КИРИТИШ – ИСТИҚБОЛЛИ”

Маълумки, Сингапурнинг “INDORAMA Corporation” компанияси кейинги йилларда вилоятимизда муваффақиятли тадбиркорлик фаолиятини юритиб келмоқда. Бу борада компания томонидан Қўқон шаҳрида тўқимачилик саноатини ривожлантириш бўйича бир неча истиқболли лойиҳалар амалга оширилди. Айни жараёнда ўзаро ишончли ҳамкорлик кўлами замонавий мезонлар асосида ривожланмоқда.

Шу йилнинг 7 февраль куни компания вице-президенти Амит Лохия бошчилигидаги делегация аъзолари вилоятимизда бўлиб, ҳамкорлик кўламини янги босқичда ривожлантириш истиқболларини муҳокама этишди.

Ташриф доирасида делегация аъзолари вилоят ҳокимлиги қабуллар уйида вилоят ҳокими Шухрат Фаниев билан учрашди ва келгусида вилоятимизда қўшма инвестицион лойиҳаларни амалга ошириш бўйича музокаралар олиб бордилар.

— “INDORAMA Corporation” компанияси вилоятимизда кўплаб истиқболли лойиҳаларни ҳаётга татбиқ этаётганидан беҳад мамнунмиз,—деди меҳмонларни қутлаб вилоят раҳбари. — Ишонамизки, ўзаро дўстона ва ишончли ҳамкорлигимиз бундан буён ҳам изчил давом этади.

Самимий мулоқот жараёнида Қўқон шаҳридаги “Indorama Kokand textile” МЧЖ шаклидаги қўшма корхонаси фаолиятини янада кенгайтириш, ишлаб чиқарилаётган маҳсулотлар тури ва ҳажмини оширишга қаратилган лойиҳалар ҳақида сўз юритилди. Шунингдек, Сингапур капитали иштирокидаги “Қўқонсуперфосфат” АЖ негизида амалга оширилаётган инвестицион лойиҳалар доирасида олиб борилаётган ишларни янада жадаллаштириш масалалари ўрганилди.

Компания томонидан тўғридан-тўғри инвестиция киритиш орқали “Фарфонаазот” АЖ корхонасини босқичма-босқич модернизация қилиш, янги ишлаб чиқариш қувватларини ишга тушириш, иқтисодиёт тармоқларида талаб юқори кимёвий маҳсулотларнинг янги турлари ҳамда нефть-газ ва тўқимачилик саноати учун кимёвий қўшилмалар ишлаб чиқариш бўйича қиймати 170 миллион АҚШ доллари миқдоридаги лойиҳани амалга ошириш истиқболлари келишиб олинди.

— Дунёning 20 дан ортиқ давлатларида корхоналаримиз ташкил этилган. Аммо Фарфона вилоятида энг муваффақиятли бизнес юритмоқдамиз ва фаолиятимиз кўлами тобора кенгайиб бораётганидан беҳад мамнунмиз,— деди компания вице-президенти Амит Лохия. — Инвестиция муҳити яратиш, тадбиркорлик фаолиятини қўллаб-қувватлаш борасида юрtingиздаги кейинги ўзгаришлар жуда ҳам қувонарли. Бу галги ташрифимиздан ҳам таассуротлар бир олам. Айнан Фарфонада янги лойиҳаларни амалга ошириш режалаштирилгани ҳам бежиз эмас. Бугун ҳамкорлик истиқболларини кенгайтириш мақсадида Қўқон ва Фарфона шаҳрида олиб борилган музокаралар жуда ҳам самарали ўтди.

Учрашувда миллий анъаналаримизга кўра, вилоят ҳокими меҳмонларга қимматбаҳо эсдалил совғаларини топширди.

Фарфона вилояти ҳокимлиги Ахборот хизмати

Facebook, Telegram, Веб сайт, YouTube